

85

ODI ET AMO

Odi et amo. Quare id faciam, fortasse requiris.  
Nescio, sed fieri sentio et excrucior.

86

QUINTIA VS. LESBIA

Quintia formosa est multis. Mihi candida, longa,  
recta est: haec ego sic singula confiteor.  
Totum illud formosa nego: nam nulla venustas,  
nulla in tam magno est corpore mica salis.  
Lesbia formosa est, quae cum pulcerrima tota est,  
tum omnibus una omnis surripuit Veneres.